


ဘဝင်မြင့်စာ လိပ်

The Proud Turtle



မာရ်မာ စကားနု အညျေရ်၊ ဝတ္ထု

Marma

Story Book



<http://creativecommons.org/licenses/by-nc/4.0/>

You may not use this work for commercial purposes. You may adapt and add to this work. You must keep the copyright and credits for authors, illustrators, etc.

Scholastica Rebarue

Adapted from original, Copyright © 1994, LPM and SIL International. Licensed under CC BY-NC 4.0.

Development of The Proud Turtle made possible by a grant from the Canadian Embassy in Indonesia.

တဝင်မြင့်စာ လိပ်

The Proud Turtle

Original book by:
Eddy Supangkat, B.Sc.
Dr. Joost J.J. Pikkert
Illustrated by:
Slamet Prayitno

Marma
Cox Bazar, Bangladesh




တစ်ချိန်ခါ ပန်းမောင်နာမည်နု လိပ်တစ်ကောင်
ဟိလီရေ။ သူစာ ချောင်းကမ်းနားမှာ နီလီရေ။
ပန်းမောင်စာ ဘဝင်မြင့်ရေအတွက်နု ကောင်းကောင်း
နာမည်ကျော်လီရေ။ ယင်းအတွက်နု သူစာ အမြဲတိုင်း
အခြားသတ္တဝါတို့ကို သူ့ရိုမာ အာဏာဟိရေအတွက်နု
ကဲရဲနီလီရေ။




တစ်ရက်နိ ညာဇာဖက်မာ ဗျိုင်းနှစ်ကောင်စာ
ချောင်းကမ်းနားတို့ ငါးရှာဖို့ ဆင်းကတ်လီရေ။
သူရိနာမည်စာ အောင်လန်န မောင်လန် ဖြစ်တေ။
ယင်းခါ သူရိစာ ပန်းမောင်န တွဲကတ်လီရေ။
ပန်းမောင်စာ သူရိ နှစ်ကောင်ကို ပြောလီရေ “အိုး
မိတ်ဆွေရို့၊ နင်ရို့ ကိုကောင်း ဟိကတ်တေလော?”
သူရိစာ ပြောကတ်လီရေ “ကိုကောင်း ဟိရေ
မိတ်ဆွေ။”




ပန်းမောင်စာ ပြောလီရေ၊ “နင်ရိုကား
ပျံဖို့ကတ်တေတေ နှော့?” ယင်းခါ အောင်လန်စာ
ပြောလီရေ၊ “ယေကေလည်း ငါ ထင်စာကား၊
ငါ့မာလည်း နင့်မာပိုင် အခွန် ဟိဖို့ ဆိုကေ
ကောင်းဖို့။” ယေကေလည်း ပန်းမောင်စာ ပြောလီရေ၊
“ငါ နင့်ပိုင် ပျံဖို့နိုင်ဖို့ဆိုကေ ကောင်းကောင်း
ပျော်ပါးစရာ ဟိဖို့။ ယေကေလည်း အဂု ငါကား
နင့်ပိုင် ပျံဖို့ မနိုင်။”




အောင်လန်စာ ပြောလီရေ၊ “ဘုရားက အားလုံးသူကို
အမျိုးမျိုးဝန် လက်ဆောင် ပီးရေ။ တစ်ချို့သတ္တဝါ
ပျံနိုင်ရေ၊ တစ်ချို့သတ္တဝါ ရီကူးနိုင်ရေ၊
အရာတစ်ချို့သတ္တဝါ လူထက် အယင်
ဗြီးလားနိုင်ရေ။” ပန်းမောင်စာ ပြောလီရေ၊
“ယေကေလည်း ပျံနိုင်စရာ ကောင်းစာ ဖြစ်တေ။”
အောင်လန်စာ ပြောလီရေ၊ “မိတ်ဆွေ၊ ယင်းပိုင်
မပြောဘိုင်းန ဘုရားကို ချီမွမ်း။ ဘုရားပီးစာ အားလုံး
ကောင်းရေ၊ မကောင်းစာ တစ်ခုလည်း မဟိ။”




ပန်းမောင်စာ မိလီရေ၊ “အောင်လန်နု မောင်လန်၊
နင်ရို့ ငါ့ကို ပျံဖို့ သင်ဖို့စာလော?” ယင်းခါ
အံ့ဩပြီးကေ မိလီရေ၊ “မိတ်ဆွေ၊ နင် အမှန်
သင်ချင်စာလော?” ပန်းမောင်စာ ဖြေလီရေ၊ “ငါ
သင်ချင်ရေ မိတ်ဆွေ။” ယင်းခါ အောင်လန်နု
မောင်လန်စာ စဉ်းစားရို့ မရဖြစ်ရို့
တစ်ကောင်ကိုတစ်ကောင် ကြည့်ရို့ နီကတ်လီရေ။




အောင်လန်စာ သူ့ကို ပြောလီရေ၊ “မိတ်ဆွေ၊ နင့်မာ
အတောင် မဟိရေအတွက်န နင် ပျံဖို့နိုင်ဖို့ မလော
မသိ။” ပန်းမောင်စာ ပြောလီရေ။ “ယင်းပိုင်ဆိုကေ ငါ
နှက်ဖြန်ခါ ပျံဖို့အတွက် နင်ရို့ အတောင် တစ်ခေါက်
ငါ့ကို ငါးနိုင်ဖို့လော?” ယင်းခါ အခြား ငှက်တိစာ
အားန ရည်ကတ်လီရေ၊ “ဟား၊ ဟား၊ ဟား၊ နင်
ရူးစာလော ပန်းမောင်? မဖြစ်နိုင်စာ စကားကို
မပြောကော့ဝေး။ ”




ယင်းခါ သူရို့ ပြောစာကို ကြားရို့ ပန်းမောင်စာ
ကောင်းကောင်း စိတ်ဆိုးလီရေ။ အောင်လန်စာ
ပြောလီရေ။ “နင် အမှန် ပျံချင်ရေဆိုကေ ငါရို့ နင့်ကို
ကူညီမည်။” ယင်းခါ ပန်းမောင်စာ ပျော်ရို့ အားန
အော်ပြီးကေ ပြောလီရေ။ “မိတ်ဆွေ အောင်လန်၊ နင်
အမှန် ပြောစာလော? ဇာပိုင် ကူညီဖို့စာလည်း?”




ယင်းနောက် အောင်လန်စာ ပြောပြလီရေ၊
“မောင်လန်န ငါ အပင်အခက် တစ်ခက်ကို အရင်းက
တစ်ကောင် အဖျားက တစ်ကောင် တည်းရို့
ထားမည်။ ယင်းခါ နင် အခက်အလယ် တည့်တည့်
ပစန ကိုက်ရို့ ထား။ ယင်းပိုင် ငါရို့ ပျံကေ နင်လည်း
ပျံဖို့ရလိမည်။” ယင်းခါ ပန်းမောင်စာ ပျော်ပြီးကေ
အားန အော်ရို့ ပြောလီရေ၊ “ဟုတ်တေ မွတ်ဆွေ၊
ဟုတ်တေ။ ငါလည်း ယင်းပိုင် လိုရေ။”




ယင်းခါ သူရိုစာ အပင်အခက် တစ်ခက်
ယူဖို့လားကတ်လီရေ။ ယင်းအခက်ကို အောင်လန်စာ
အရင်းက ကိုင်လီရေ အရာ မောင်လန်စာ အဖျားက
ကိုင်လီရေ။ ယင်းနောက် ပန်းမောင်စာ အလယ်က
ကိုင်လီရေ။ ယင်းခါ မောင်လန်စာ ပန်းမောင်ကို
ပြောလီရေ “သတိပြု၊ နင် ငါရို့ ပျံရေခါ နင့် ပစ
မဟကော့။” ပန်းမောင်စာ ပြောလီရေ “မှန်ရေ၊ ငါ
သတိပြုမည်။”




အောင်လန်စာ၊ “တစ်၊ နှစ်၊ သုံး” ဆိုစာနု သူရိုစာ
ပျံဖို့စကတ်လီရေ။ ပထမခါ သူရို အနိကြောင်း
ပျံကတ်လီရေ၊ ယေကေလည်း တစ်နားနီရေခါ သူရိုစာ
အပြင်း အထက်တို့ ပျံရို တက်ကတ်လီရေ။ ယင်းခါ
အခြားသတ္တဝါတိစာ အံ့သြပြီးကေ ကြည့်ရို
နီကတ်လီရေ။



ပန်းမောင်စာ အောင်ရို့ နှစ်ယောက်န
ပျံဖို့ရရေအတွက်န ကောင်းကောင်း ပျော်လီရေ။
သူစာ ဘဝင်မြင့်သူ ဖြစ်တေ။ ယင်းအတွက်န သူစာ
အောက်တို့ ငုံ့ရို့ ကြည့်လိုက်တေခါ အခြားသတ္တဝါတိ
ကြည့်နီကတ်စာကို မြင်လီရေ။ ယင်းခါ သူစာ တိန်းရို့
မနီဘိုင်းန အော်ရို့ ပြောလီရေ “မိတ်ဆွေရို့ ငါ့ကို
ကြည့်ကတ်၊ ငါ ပျံဖို့နိုင်ရေ။”



ပစဟရိ၊ အားနု အော်ရေခါ အပင်အခက်က
ပြုတ်လားခရေဆိုစာကို ပန်းမောင်စာ
မိတ်လားခလီရေ။ သူစာ အထက်မာ တစ်နားသျှ
လီမာ ရွင့်နီလီရေ။ ယင်းနောက် သူစာ မြေပြင်မာ
ကျလီရေ။



ပန်းမောင် အရှင် ဟိစာကို သိရေခါ အောင်လန်န
မောင်လန်စာ ပျော်ကတ်လီရေ။ ယင်းခါ သူရို့စာ
ကိုယ်ရို့ နိစာတင်းတို့ အပြင်း ပျံလားခကတ်လီရေ။
ယင်းနိကပင်စရို့ ပန်းမောင်စာ ကိုယ့်ခန္ဓာမာ အခွန်
ကျန်းစာကို ဘုရားက ပီးစာ ဟို့ ဝန်ခံလီရေ။ သူစာ
ကိုယ့်ကိုကိုယ်လည်း မှတ်လီရေ။ “ငါ အရာ
တစ်ခါလည်း စိတ်မကောင်း မထားဗျာ။”

